

王肯
堂著 醫學津梁

上海千頃堂
書局印行

醫學津梁目錄

卷一

中風附癰症 腐風

麻木

厥

三消

癰疹

諸血

諸虛

卷二

癆瘵附夢與鬼交 盜汗自汗 骨蒸潮熱

咳嗽附哮喘

痰附飲

喉痺附失音 骨鯁

噎膈

附

梅核氣

嘔吐

附

翻胃

吞酸吐酸

霍亂

卷三

瘧疾

火

發熱辨

內外傷

附

諸內傷

瘕症

脫陽

中暑

附

症夏

中濕

附

痿症

黃疸

附

黃腫

脾胃

卷四

痞

附

嘈雜

噯氣

呃逆

鼓脹附 水腫 痢疾 泄瀉

卷五

諸氣附 鬱

秘結

諸痛

頭痛附 眩暈

心痛附 怔忡驚悸健忘 癲狂 邪祟

脇痛

腹痛

卷六

腰痛

股痛附 脊痛

齒

口

脣

舌

淋閉

附

轉胞

不禁

便濁遺精

疝氣

蟲症

醫學津梁卷三（原名醫鏡刪補）

明金壇王肯堂原著

清歸安岳昌源刪補

江浦後學陳洙重訂

瘧疾

瘧病多發於秋。有先寒後熱。先熱後寒。單寒無熱。單熱無寒。微寒微熱之異。先寒後熱者。先得於寒。先熱後寒者。先得於熱。單寒無熱者。外傷必重。單熱無寒者。內病必多。大寒大熱者。邪深微寒微熱者。邪淺。又有久寒久熱。經年累月而不愈者。必不守禁忌。元氣虛弱。兼以脾裏痰與飲食。暑氣相結。交聚於少陽之分。少陽為陰陽往來之路。在半表半裏。陰血流通。激而生寒。陽氣流通。激而發熱。或陰陽交會。則寒熱交作。久而不愈。則結成瘧母。藏於脇下。脇下者。少陽之分也。以消食化痰疎風調氣。量其輕重投之。無不應矣。然一日一發。間日一發之不同者。蓋以得病之遠近為所發之日期。冬傷於寒。不即病。至明秋發者。則三日瘧也。當以辛溫散之。春傷於溫。不即病。至秋發者。則間日瘧也。當以涼藥清之。夏傷於暑。不即病。至秋發者。則一日瘧也。當以消暑治之。然又必參以脉

症相合。有食則消食。有痰則化痰。有風則散風。有寒則攻寒。有熱則退熱。有氣則開氣。新病則祛邪。久病則補正。神而明之。存乎其人。

入藥例

△△。清熱如黃芩。柴胡。連翹。生甘草。白芍之類。治熱瘧。小柴胡。治寒瘧。加生姜。厚朴。半夏。定寒熱。羌活。防風。柴胡。黃芩。白芍。炙草。寒熱相均。清脾飲。發汗陽瘧。加柴胡。蒼朮。防風。葛根。陰瘧。加柴胡。升麻。川芎。止汗。加白朮。烏梅。以和之。甚者加黃耆。初起不宜驟用。恐閉其邪氣。為害不淺也。

△△。消暑。加香薷。黃連。扁豆。厚朴。甘草。

△△。消食。加枳實。黃連。山楂。麥芽。蔻仁。陳皮。

△△。消痰。加橘紅。半夏。花粉。枳殼。桔梗。黃芩。桑皮。甘草。瘧甚。加薑汁。竹瀝。喘者。加蘇

子。兜鈴。杏仁。

△△。散風。加防風。荆芥。紫蘇。蔥白。生薑。頭痛。加川芎。白芷。遍身骨節痛。加羌活。

△△。化氣。加青皮。香附。烏藥。木香。枳殼。

補氣虛。以人參為君。白朮。甘草。大棗為佐。大劑芍藥。以定寒熱。禁用茯苓。黃芪。

以茯苓能引邪入陰經而不得出。黃芪實表太過。邪不能出也。血虛以當歸為君。川芎熟地。炙草。大棗為佐。大劑白芍以定寒熱。津液少者。加麥冬。花粉。瘧病皆用柴胡。但久病少用。新病多用。以瘧乃少陽經病居多。而柴胡為少陽經要藥。且治寒熱往來。

瘧母在脇下。非煎劑所能愈。乃痰與食併結不化也。宜以生鱉甲醋為君。白芥子。半夏以治痰。蓬朮。枳榔。枳實。山楂。草果以消食。青皮。香附。木香以開氣。白朮。陳皮以助脾。共為末。以醋為丸。人參。柴胡湯下。

瘧久不止。或三四日一發。常山。枳榔。烏梅分二。炙草分二共為粗末。酒水各半杯。隔夜煎。去渣。露一夜。次早溫服。微吐即效。或丸亦可。或常山一兩剉碎。以好酒浸一夜。瓦器內煎乾為末。每服二錢。水一鐘。煎半鐘。去渣。五更初服。大效。

瘧病發於春夏冬三季。非其時而有其氣。乃似瘧而非瘧也。一日或兩發。或三發。寒熱無定時。不可以瘧治。必陰血不足。兼感外邪也。宜以四物中倍加芍藥。酒炒為主。佐以柴胡。羌活。防風。甘草。以去外邪。陳皮。枳殼。香附以調其氣。有痰加薑汁。竹瀝。有食加枳榔。草果。枳實。

節齋以二陳湯為主。照六經症加藥。

太陽經必腰背頭項俱痛。加川芎防風羌活。

陽明經必目痛鼻燥鼓額。加葛根升麻白芷。暑月加石膏知母黃芩。

少陽經必嘔吐口苦惡心脇痛。加柴胡黃芩青皮。

少陰經發於子午卯酉四正之日。舌乾口燥嘔吐欲閉戶牖。加川芎當歸黃連。

黃柏。或小柴胡倍半夏。

厥陰經發於寅申己亥四旁之日。小腹痛引陰入淋。加桂枝生乾薑。重者四物。

加元胡索金鈴子。

太陰經發於辰戌丑未四旁之日。腹滿自利善嘔。嘔已乃瘥。加蒼朮白朮柴胡。

此三味瘥家必用。重者理中湯已止。三陰血分受病。發在處暑後者。俱謂之瘥。

瘥乃傷之重者。一日一發。乃午前發者。邪在陽分。加枯芩柴胡蒼朮頭痛加川

芎。口渴去半夏。加石膏知母麥冬。

間日或三日發。午後及夜發者。邪在陰分。加芎歸柴葛蒼朮知母升麻紅花黃

柏。提起陽分。方可截之。

二日連發。住一日者。或日夜各發者。氣血俱虛。加柴胡。乾葛。蒼朮。合八物以補氣血。疫瘧一方。長幼相似。須參運氣。寒熱用藥。大概不換金正散。五積交加散。加減。

不換金正氣散

厚朴。陳皮。半夏。藿香。蒼朮。甘草。

瘧後痢。痢後瘧。或瘧痢並作。俱柴苓湯。六和湯。清脾飲。虛者三白湯。加黃連。木香。當歸。砂仁。或四獸飲。

瘧久者。二陳加川芎。蒼朮。乾葛。白朮。神效。久甚須白豆蔻。以寒藥佐之。蓋此味能流行三焦。補上焦元氣。

清脾飲。治熱多寒少。或但熱不寒。

柴胡。半夏。黃芩。白朮。茯苓。厚朴。青皮。甘草。

草果生薑。此方乃小柴胡平胃二陳合而加減者也。如有汗。倍白朮。茯苓。熱多。

倍黃芩。柴胡。寒多。倍半夏。草果。大渴。加知母。花粉。葛根。一方倍茯苓至五錢。加。

常山二錢。薑煎。露一宿。溫服。截瘧。

四獸飲。治寒多熱少。瘧久不住。

四君子加陳皮。半夏。草果。烏梅。棗。姜煎。未發。

時併進數服。

七寶飲。截一切瘧。無問寒熱多少。

厚朴。陳皮。甘草。草果。常山。各錢一。檳榔。青皮。

錢烏梅

个

生薑

片三

水酒各半煎露一宿空心面東溫服睡少頃午前再進一服

露薑飲

帶皮生薑

兩四

搗汁一碗夜露至曉空心冷服凡中風中氣中毒中暑

乾霍亂與童便合服立解姜開痰童便降火也

截瘧丹五月五日午時取桃仁百粒去皮尖研成膏入好黃丹

錢三

丸如桐子晒

乾俟瘧二三發後患日五更時面北以溫酒吞下三丸

如不飲酒并花水亦可合時忌婦人鷄犬見

火

諸火之動其脈必大當辨其何經之脈大而為治內經病機十九條屬火者五
劉河間推廣五行為病屬肝者諸風之火屬脾胃者諸濕痰之火屬心肺者諸
熱實火屬腎者諸虛之火散於各經浮游之火入氣分無根之火入血分消陰
伏火故曰諸病尋痰尋痰生異症要分內外虛實外因邪鬱經絡熱積臟腑此
為有餘之火內因飲食情慾氣盛似火此為有餘中不足陰虛火動乃不足之火
大概脈弦數無力為虛火實火有力為實火洪數見於左寸為心火見於右寸
為肺火見於左關為肝火見於右關為脾火見於兩尺為腎命門之火又大怒
火起於肝手揮目眩醉飽火起於胃痞寒膨脹悲哀火起於肺氣鬱喘急房勞

火起於腎。骨蒸潮熱。氣從左邊起者。肝火也。氣從臍下起者。陰火也。熱從腳下起入腹者。虛極也。若壯實之人有此。是濕鬱成熱之候也。不可不辨。實火內外邪熱口渴。日夜潮熱。大小便閉。虛火潮熱有間。口燥不渴。虛火可補。實火可瀉。輕者可降。重者從其性而升之。君火正治。可以濕伏。可以水滅。可以直折。相火反是。惟從其性而伏之。即如實火發狂。宜三黃石膏湯正治。虛火發狂。先與姜湯。然後補陰。其火自降。凡火盛不可猛用涼藥。必酒炒過。或兼溫散。甘緩。吁。火不妄動。動由於心。動之一字。其心中之火乎。

入藥例

黃連瀉心火。黃芩瀉肺火。芍藥瀉脾火。柴胡瀉肝火。知柏瀉腎火。木通瀉小腸火。青黛瀉五臟之鬱火。元參瀉無根之游火。人中白瀉肝火。童便降火甚速。山梔能降火從小便出。滑石能降三焦濕熱之火從小便出。大黃瀉大腸火。此皆寒苦之劑。能瀉有餘之火。若飲食勞倦。內傷元氣。火不兩立。為陽虛之病。以甘溫之劑降之。如黃芪。人參。甘草之類。若陰微陽強。相火熾盛。為血虛之病。以甘寒之劑補之。如當歸。生地之類。火急盛者必緩之。以甘草兼緩兼瀉。外感邪鬱。

在表者。九味羌活湯。半表半裏者。小柴胡湯。入裡大承氣湯。燥瀉白虎湯。嗜金石炙燂者。黃連解毒湯。苓連梔柏等分。

過食冷物。鬱遏陽氣於脾土之中。而筋骨肌表間發熱者。升陽散火湯。升麻葛根。羌活。獨活。白芍。人參。甘草。柴胡。防風。生薑。熱服。此火鬱發之也。

氣虛火盛。因勞役傷胃。無力身熱。宜保元湯。補中益氣湯。加白芍。黃柏。如火病及吐瀉後。身熱如焚。命門脈脫。為陽衰之病。宜以辛熱溫養其火。則熱自退。附子理中湯。

血虛火動。因傷色慾。後必發熱。四物加知柏。龜板。或逍遙散。腎氣丸。若腎水受傷。生地。元參。煎膏主之。

大怒火起於肝。清肝湯加龍胆草。

醉飽火起於胃。瀉黃散。戊己丸。或石膏煉為末。醋丸。清米飲下。

悲哀火起於肺。瀉白散。加黃芩。或麥冬湯。

房勞火起於腎。大補陰丸。滋腎丸。

思慮火起於心。瀉心散。

氣從左起者。左金丸。加龍胆。當歸。川芎。山梔。羌活。防風。

氣從臍下起者。相火旺甚。腎水虛不能制。宜用壯水之劑。生地。元參。丹皮。知母。

之類。或用坎離丸。先坎離丸。黃柏。知母。等分童便浸足為末。生地煎膏為丸。脾

弱者。乾山藥糊丸。治陰火遺精盜汗咳嗽等症。後坎離丸。四物加知母。四兩

柏。八兩用鹽水人乳蜜水同和一處。晒露三晝夜。為末。蜜丸。空心鹽湯或溫酒下。

氣從脚心起至腹內痛者。十不救。一四物湯加芩連。外用附子末。津調搽脚心。

亦有濕熱鬱者。以蒼朮。黃柏。加牛膝。防己等藥。作丸服之。若誤作陰虛治。即成

痿症。審之。

痰火用大黃。一觔切片好酒浸二日。巴戟天。四兩水。泡去骨。蘿蔔子。炒黃色。二兩半。蘇子。炒黃色。大

麥芽。炒黃色。枳實。水浸晒乾。俱為細末。蜜丸。桐子大。每服五十丸。早晨清茶下。晚

後薑湯下。

發熱辨。與火門參看。

發熱數種。治各不同。外感內傷。虛實不一。不可不辨。如傷寒發熱。乃寒邪入衛。

與陽氣交爭。而為外熱。其脈緊而有力。此發於正冬時也。類傷寒發熱。冬傷於

寒不即病。至春變溫。至夏變熱。又有時行瘟疫熱病。多發於春夏間。沿門合境相同者。此天地之疫氣。脈滑數洪大而長者。熱病也。寸口實者。熱在脾肺也。關上滑數者。熱在胃中也。尺脈實者。熱在遍體而心作痛也。尺脈數者。熱在臍下而作痛也。有發喘者。熱則息粗而氣不循序也。有發嘔者。胃中有熱而火炎上也。有鼻塞者。熱客陽明而鼻膜脹也。又有冬溫之病。非其時而有其氣。蓋冬寒時也。而反病溫焉。此天時不正。陽氣反泄而熱也。又有時行寒疫。却在冬溫之時。此亦天時不正。陰氣反逆而熱也。又有夏月傷暑之病。雖屬外感。却類內傷。與傷寒大異。蓋傷寒邪客於表。故宜汗之。暑傷氣。元氣為暑所傷而耗散。其脈虛遲無力。不足之症。又有因時暑熱而過食冷物。以傷其內。或過取涼風。以傷其外。此非暑傷人。乃因暑而自致之病也。若飲食勞倦。內傷元氣。其熱晝夜兼發。或晝重夜輕。口中無味。是陽氣自傷。不能升達。降下陰分。而為內熱。乃陽虛也。故其脈大而無力。屬肺脾。內傷色慾發熱。午後熱至半夜止。口中有味。是陰血自傷。不能制火。陽氣升騰。而為內熱。乃陽旺也。故其脈數而無力。屬心腎。陰陽兩傷。晝夜發熱。煩渴不止。症似白虎。而無目痛鼻乾者。有內傷飲食。類傷寒。

初症但氣口緊盛。身體不痛為異。有內傷思慮。神昏恍惚。眼燒發熱。有內傷生
冷鬱遏陽氣而發熱者。有因服金石炙燂。夜卧火炕。或烘衣服。久則蘊結熱毒。
脈浮而大。此屬實熱。有因消燂腎水。相火炎上。口燥煩渴。精神短少。脈細而小。
此屬虛熱。有氣分實熱。血分實熱。氣血俱實熱。有氣分虛熱。血分虛熱。氣血俱
虛熱。有骨蒸熱。有心熱。熱在血脈。日中甚。面赤。心煩。喜笑。瘡痒。自汗。掌中熱。口
乾舌燥是也。有肺熱。熱在皮毛。日西甚。上氣喘急。咳嗽咽痛。肩背痛。鼻流血是
也。有脾熱。熱在肌肉。遇夜尤甚。怠惰嗜卧。面黃腹脹。口甜流涎。易饑體重是也。
有肝熱。熱在肌肉之下。骨之上。寅卯尤甚。脇痛目痛。淚出。煩腫。頭旋。多怒是也。
有腎熱。熱在骨間。亥子時甚。兩足手心如火。多睡溺澀。口乾足腫是也。有五心
煩熱。乃陰虛火盛也。有胸中煩熱。頭昏口燥。乃心中煩燥。無外熱。仍分虛實。若
因汗吐下後。津液去多。五內枯燥者。皆屬虛。若不因汗吐下後而得者。屬實。有
潮熱。惟傷寒日晡發熱。乃胃熱。別無虛症。其餘當審其虛實。如前有面獨熱。是
陽明經氣有餘。或風熱上升也。然積病最能發熱。多夜分。肚腹熱甚也。經曰。治
病必求其本。風熱濕熱痰熱三者尤百病之根。宜詳審之。如風熱。凡頭目腫痛。

眩暈。眼昏目赤。耳聾鼻塞。口燥舌乾。斑疹之類。皆風熱炎上之所為也。如痰熱。凡咽閉喉痛。膈噎胸痞。顛狂驚悸之類。皆痰火中滯也。如濕熱。凡泄瀉下痢。水腫鼓脹黃疸。遺精白濁。疝痛。腳氣腰痛。皆濕熱下注也。治宜於小熱之氣涼以和之。大熱之氣寒以收之。甚熱之氣以汗發之。內者下之。外者發之。虛者補之。庶無誤矣。

入藥例

傷寒發熱。用辛熱藥以散寒。溫病熱病。疫病。用辛涼甘苦寒之藥以消熱解毒。但冬溫病不可用溫熱藥。寒疫病不可用寒涼藥。方見本條。

傷暑熱治主內見本條。

內傷勞役發熱。用補中益氣湯。大補其氣而提其下陷者。此用氣藥以補氣之不足也。

內傷色慾發熱。用四物加知柏。甚者加童便龜板。補其陰而火自降。用此血藥以補血之不足也。

陰陽兩傷。八物湯。